

**III. ATALA****EUSKAL HERRIKO AUTONOMIA ERKIDEGOKO ADMINISTRAZIOA****Ekonomiaren Garapena eta Azpiegiturak Saila**

Ebazpena, 2019ko abenduaren 3koa, Ekonomiaren Garapen eta Azpiegitura Sailaren Bizkaiko lurralde-ordezkarirena, zeinaren bidez iragartzen baita zerrendatutako finkak okupatu aurreko aktak egiteko deialdia; finka horiek Mungiako udalerrian daude, eta «13,2 kV-ko goi-tentsioko linea elektrikoa, «Markosene-Bakio,cto.3» izenekoa, Markosene TA-ren eta 9057 euskarriaren artean eta haren adarrak» proiektuaren eraginpean daude. Linearen titularra i-DE Redes Eléctricas Inteligentes S.A.U. da.

— *Erreferentzia:* (48-AT-Y-2019-26) IFT/YMM.

Ekonomiaren Garapen eta Azpiegitura Sailaren Bizkaiko lurralde-ordezkariren 2019ko urriaren 1eko Ebazpenaren bidez, aipatutako instalazio elektrikoa onura publiko-koa dela deklaratu zen.

Sektore Elektroari buruzko abenduaren 26ko 24/2013 Legearen 55. artikuluan xedatutakoaren arabera, onura publikoko deklarazioak berekin dakar eraginpeko eskubideak eskuratzea edo ondasunak okupatu beharra, eta, ondorioz, okupazioa premiaz egin beharra, betiere Nahitaezko Desjabetzeari buruzko Legearen 52. artikuluan zehaztutako ondorioetako.

Ondorioz, Nahitaezko Desjabetzeari buruzko 1954ko abenduaren 16ko Legearen 52. artikuluekin bat (1954ko abenduaren 17ko BOE), lurralde-ordezkaritza honek erabaki du eraginpeko eskubideen eta ondasunen jabe eta titularrei deitzea Mungiako udaletxera joan daitezkeen (Bizkaiko Lurralde Historikoa) udalerriri horretan baitaude eraginpeko ondasunak. Beraz, hor egingo dira eraginpeko ondasunak okupatu aurretiko aktak eta, beharrezkoa bada, behin betiko okupazioarena.

Eraginpeko ondasunetan edozein eratako eskubideak edo interesak dituzten pertsona titularrak eta horretan bestelako interesik duten gainerako pertsona guztiak ere joan daitezke bilerara, bai zuzenean, eurak joanda, bai zeharka, euren ordez dagokion baimenarekin besteren bat bidalita; era batera zein bestera, titulartasuna egiaztatzeko agiriak eraman beharko dituzte, baita kontribuzioaren azken ordainagiria ere. Hala nahi izanez gero, peritu edo notario batek lagunduta ere joan daitezke.

Honekin batera doan zerrendan aditzera emandako egun eta orduan jasoko dira aktak, eta hori zitazio-zedularen bitartez emango zaio jakitera titular bakoitzari, non lekua, eguna eta ordua adierazi beharko baitira. Nahitaezko Desjabetzeari buruzko Legearen 52. artikuluan ezarritako argitalpenak ere egingo dira.

Halaber, Nahitaezko Desjabetzeari buruzko Legearen Araudiaren 56.2 artikuluan xedatutakoarekin bat etorriaz, bai interesdunek bai argitaratutako zerrendetan aipatu ez diren interes errealean eta interes ekonomikoen titularrek nahi adina alegazio aurkez ditzakete, eraginpeko ondasun eta eskubideen zerrendetan egindako akatsak zuzentzeko, hain justu ere idazki baten bitartez Bilboko lurralde-bulegoan (Concha Jeneralaren kalea 23, 5), aldeztu aurretiko aktak jasotzeko izendatutako egunera arte.

Halaber, Administrazio Publikoen Administrazio Prozedura Erkidearen urriaren 1eko 39/2015 Legearen 45.1 artikuluan xedatutakoaren arabera, eta Nahitaezko Desjabetzeari buruzko Legearen 52. artikulua bigarren arauan xedatutakoaren arabera, iragarki honek hauei jakinarazpena egiteko balioko du: identifikatu gabeko interesdun posibleei, eraginpeko ondasunen eta eskubideen titular ezezagunei, eta helbide ezezaguna dutenei.

Bilbon, 2019ko abenduaren 3an.— Bizkaiko lurralde-ordezkaria, Adolfo González Beruete

**ERANSKINA****ALDEZ AURRETIKO AKTETARAKO ZITAZIOA**

13,2 KV-KO GOI-TENTSIOKO LINEA ELEKTRIKOA, «MARKOSENE-BAKIO, CTO. 3»
IZENEKOA, MARKOSENE TA-REN ETA 9057 EUSKARRIAREN ARTEAN ETA HAREN
ADARRAK, MUNGIAKO UDAL-MUGARTEAN

Espedientea: 48-AT-y-2019-26

Finka (Proiektuaren arabera)	Katastroko Datuak			Titularra	Hilabetea	Eguna	Ordua	Udala
	Polig.	Partzela	Izaera/laborantza					
01-42	003	068	Landalurra/Sastrakadiak	Félix Hernández Gabiola	Urtarrila	21	11:10	Mungia